

黎氏宗譜

光丙午春

程荃題籤



道光丙午年

源遠流長

雙清堂重鑄



京字號

宗譜目錄

卷之一

王序

江序

蕭序

丁序

段叙

新譜序



黎氏宗譜 卷一 一

問樵先生序

稼夫公傳

孔佳公余太君合傳


東曉公傳

江原序

楊原序

之驥公原譜序

恒齡公原譜序



凡例二十五條

家訓

老家規目

卷之二

三公詩序

汝良公詩計五首

研北公詩計四首

渭北公詩計十八首



世德說

卷之十人首

奚家林審語

四首

共傳三十四篇

五首

卷之三


精學

家禮圖

纂修名目

新家規

領譜號字



宗派說

字派

世系引

世紀引

歷代世系總圖

遷皖記

遷皖圖系

岳舉公遷皖紀



卷之四

聖諭

民貴公誥命


遷龍灣記

蘭公圖系世紀

卷之五

遷梅溪記

廣公圖系世紀



卷之六

廣公 世紀

卷之七

廣公 世紀

卷之八

聯公圖系 世紀

福公圖系 世紀

祿公圖系 世紀



英公圖系世紀

卷之九

延名公圖系世紀


延壽公圖系

卷之十

延壽公世紀

卷十一

延安公圖系世紀



新契議共八紙


卷之末

原傳共三十六篇

契議共三十五紙

原跋

新跋



卷之九

珠璣


鳳凰

芙蓉

泉石

卷之末

珠璣



重修譜序

余守漳州之三月百務粗理兒
子壽籤以姻家黎君宗仁之譜
索序來告余惟黎古姓也琅玕
之王自云出於王子晉蘭陵之
蕭自云出於蕭何望之每爲前

人所訶而黎之爲姓本於顓頊
孫北正黎後封黎陽爲黎國子
孫遂以爲氏其後並無岐出黎
之姓誠古姓也吾懷當

國朝定鼎之初以薦舉起家如

玉華公諱民富錫爵都闕封

揚威將軍 天錫公諱民貴仕

至陝西廉使兄弟競爽武達文

通尤爲吾鄉望族也余心儀者

久之今之索序不敢以不文辭

蓋嘗思先王之制禮也以爲人

治之大莫大於親親於是爲之

上治祖禰下治子孫旁治昆弟
而又懼其萃而必渙甚至於相

聯合而必分甚至於相競也更

爲之立大宗小宗之法有百世

不遷之宗則大宗是也有五世

則遷之宗則小宗是也於焉序

之以昭穆別之以等殺諸侯世
國大夫世官氏族之傳不亂而
系屬九族卒不等於途人者有
宗法以維之也禮大傳曰親親
故尊祖尊祖故敬宗敬宗故收
族收族故宗廟嚴宗廟嚴故重

社稷以至於庶民安財用足百
志成莫不由此嗚呼此其爲平

天下之本也與後世宗法不立
廢本忘祖者衆骨肉之恩薄渙
然無所統紀乖違離遏徃徃見
於父子兄弟之間而况於䟽遠

之屬乎雖以世家大族不數傳
而子孫或迷不知所自甚或袒
免以後彼此茫不相識名分次
序顛倒淆亂不可勝計是以有
仁人孝子之思者譜牒之修亦
所以補宗法之窮也今觀黎氏

之譖創始於
研北鄭山二公

纂修於
月華鶴城諸公序次

犁然有條不紊今已閱七十年

矣
宗仁賢表姪偕同族

海曙
世熾
式模
德周諸

君續而修之其卷帙則增於前

其體例一遵於昔窮流溯源去

疑徵信一開卷而大宗小宗瞭

如指掌尊祖敬宗收族之誼於

茲益篤惟其世有仁人孝子所

爲繼繼繩乚以古姓而蔚然爲

吾鄉之望族也哉余故樂得而

夏... 卷一 三月 雙清堂

爲之序

爲


皇清道光二十六年歲次丙午仲夏

月上浣

穀旦

賜進士出身


誥授朝議大夫知福建漳州府事



前山西平陽府正堂加三級

紀錄十次 年家眷姻侍生

里之王用賓頓首拜撰



皇清道光二十六年歲次丙午仲夏

月里文士用實賦首輿謝且

賜... 餘... 十... 穴... 半... 家... 眷... 歐... 封... 坐

誥... 前... 山... 西... 平... 賜... 林... 五... 堂... 賦... 三... 餘



黎氏宗譜序

周官小史奠世繫辨昭穆其譜
之權輿乎漢司馬子長刪世本
爲世表旁行邪上而譜之體例
昉焉晉宋因魏制以九品官人
重門戶辨族地譜學最重隋唐

以來官有簿狀家有譜系官之
選舉必由於簿狀家之婚姻必

由於譜系歷代有圖譜局置郎

令史以掌之仍用博通古今之

儒知撰譜事凡百官族姓之有

家狀者則上之官爲考定詳實

藏於秘閣副在左戶若私書有
濫則糾之以官籍官籍不及則
稽之以私書此近古之制以繩
天下使貴有常尊賤有等威者
也所以人尙譜采之學家藏譜
采之書自五季以來取士不問

家世婚姻不尚門閥故其書散
佚而其學不傳至宋歐蘇始家

自爲譜歐蘇稱大手筆然歐則

世系自詢以下五世閱三百年

琮以下百四十年已十八世老

泉則缺居蜀之長史而遠祖陸

終昆吾說者謂歐詳近而畧遠
蘇詳遠而畧近後世尙不能無
遺憾焉甚矣譜學之難也蓋非
有仁人孝子之思者則不能無
避忌遺亡之患如諸孔之後羞
祖孔圉諸蔡之後懼祖蔡京是

也非有去疑徵信之心則不能
無附會拔援之患如閔子來之

胄閔子騫郭崇韜之哭郭汾陽

是也吾觀今人之譖蹈此弊者

不少惟我宗仁親家黎氏之譖

遠溯源於顓頊高陽始自侯公

而不名缺其所當缺也鄱陽遷
皖以來條分縷析詳其所當詳
也蓋由墨譜之興始於公研北
鄭山兩公纂修之役則有平育
月華之孔力以諸君主之而紀
叙規訓傳贊則有當時鉅儒碩

學爲之也今者續修之役一仍
前人之成例似不若創始者之

難然距昔纂修之日已歷年有

七十搜羅放失糾集散分其事

亦良不易而宗仁親家與其

族中海曙世熾式模

或主稿或校閱或糾工甫期年

皇賞而郎能竣事攬斯譜者仁人孝

子之思由是而篤去疑徵信之

心由是而堅其於周禮小史奠

世繫辨昭穆之旨庶有合乎郎

古之修於官者其信而可徵亦

不是過兼歐蘇之長而不襲其
所短余蓋於黎氏之譜有深契

焉是為序


皇清道光二十六年歲次丙午仲夏

月上浣


穀旦

固堂姻世愚弟廩貢生江本

培頓首拜撰



... 歐陽之長...
... 於黎氏之...
... 於黎氏之...



... 固堂...
... 固堂...
... 固堂...

黎氏宗譜序

仁者莫大於親，親上親，統九族於一奉而親上，即以睦族而敦本也。人不講於睦族，敦本之誼，則親上之道，安存，即仁人之至心。安在夫，家必有譜，所以叙

家範
卷一
第...
雙清堂

九族崇一本而昭親之仁也願


有譜不修而親之仁意失者正有

既修而親之之意亦失矣世意

人繁宗支莫考漸且情誼轉

渙等至親於遠人固已即紀

世祀人窮原竟委而或欲用



光家乘輒接附古賢聖名公

如公郭崇韜持汝陽墓閔子



來德閔子裔祖非其祖共以


迤華胄遺後又或自顧寒

微宗黨無色不惜與著望之


家多方奉合以希規懼一時

卷一 蕭序 二 漢書

凡此以訪問親烏覩所謂親
乎惟黎君鶴城與其族孔力
綸美苛之修宗譜也蓋深得親
親之意焉稿成鶴城書其原委
載華之注郵寄海南云余為
序余曠其始自周黎侯以國



為氏沿及八十世而迄文從其履
而不求其詳者不敢畧前人跡
未暇亦不必詳前人所未詳隱
存一親其祖意也而至於岳
舉公由江右遷懷以來及宿而
階有分派五世而後疊見之桐



這片子姓蕃祗支系派別
至詳

且恁問有擬附於古不願其
安

吾子曰無有也問者幸合于
會

不惜其得者乎曰無有也使
非

吾親之之體體之氣最真而
實有

見於根本不可忘我族不以
入



烏能與於此因以慨世之

改

者流滋衆紀之羞莫得

正家

之道以視黎民諸君子之所訂

一仁心結而後其相去實遠

膏壤若夫松栢大而海澤長

惟岳舉必植基深厚故

傳而下功名事業道德文章

所為炳厥前徽其昭於世人所目

黎殊吾祖望族也何待按譜牒

而後知哉余與黎為世好因

鶴城之屬重斯譜之成竊深

我家乘承定之感矣於是乎書



乾隆丙申孟秋之吉


浩授朝議大夫知廣東瓊州府事加

五級奉宸世教弟蕭名植頓首

拜撰



刊



Faint vertical text columns, likely bleed-through from the reverse side of the page.

黎氏宗譜序

記曰尊祖故敬宗敬宗故收族
此其道莫重於宗譜蓋祖宗與
子孫一氣相屬族之有譜正所
以上治祖禰下治子孫明乎一
氣之所屬者自人於譜系不明

高曾而上莫名其稱謂者有之
宗族之中至老不聞問者有之
尊祖敬宗之意失收族之意而
失矣余薄宦久于京丙申秋乞
假南旋造姑黎鶴城姻臺偕其
族月驛綸美輩修輯家乘稿既


成中岑相臺出以示余乞為
弁言于首余閱之瞿然曰昔周
禮小史掌邦國之志奠世系明
昭穆已開譜牒之原及漢司馬
氏世官太史遂以譜牒名家繼
此講譜學者代不乏人迄有明

吳康齋李崆峒或仿歐陽之宗
史氏年表或仿蘇氏之遵禮制

宗圖譜法至今沿之凡以明祖
宗族屬之義慕慎也斯譜之明
于斯義亦慎矣哉考黎氏之大
原為高陽氏顓頊孫北正黎後

初封黎陽為黎國子孫遂以國
為氏黎國即今潞安府黎城縣
也譜祖侯公蓋始于成周時去
國而家于此由此而洛陽而渠
江而陸安以至於鄱陽已六十
餘世又十餘世由鄱陽遷于皖

之懷寧先是分遷者如八閩三
楚吳下金陵蘄陽德安德化湖
北諸處不具論第論籍皖以來
岳舉公是為一世原居東郭內之
天台里至宿松而次房分籍于
潛四世長房中有徙居太平山




者五世而長房且大半入桐境
其仍在懷者亦散處無幾安定
厥家不常厥邑大抵一迫于兵
燹而輕去其鄉一別于風土而
卜云其吉有百世不易之本支
無百世不遷之故土勢所必至

無足異者若夫竒偉非常之人
間世一出則有名留柱下望著
中郎學士崇文將軍奮武賢良
宏博之竒經術勛猷之異其未
入皖以前之盛事紀世紀人昭
然可考固不等郟崇韜拜汾陽

之墓貽誚于遙，華胄者也。至
入皖後，功名事業德行文章尤
在人耳目。殆所云家傳青瑣士
盡烏衣者，黎不誠望族哉。至若
譜中所載前八十世，其文多略。
後十數世，其文多詳。則存乎掾

筆者識之明而能斷疑以傳疑
信以傳信焉要唯深明乎祖宗
族屬之義出之以慎重乃能於
源流分合間一無所苟足以耀
後世而垂無窮也爰樂綜其始
末而為之序



大清乾隆四十一年歲次丙申季秋

月穀旦

賜進士出身

誥授朝議大夫兵部武選司郎中前

禮科給事中巡視中城掌河南

山東道監察御史翰林院編修

夏... 卷一... 雙...



翰林院庶吉士充癸酉科順天

鄉試同考官壬午科四川鄉試

副考官加三級紀錄五次年家


眷姻侍生丁田樹拜撰

大清...




黎氏宗譜序

世言譜學尚已自太史公因宗
灋庶著年表而作譜清世系之
原溯功德之自別嫌明微收族
綴屬義之盡仁之至也嗣是賈
王揚陸著有成規下逮程朱黃



王臣陸緒大儒莫不於譜學誨
明而切究之而定為縱橫二灋
則莫著于歐蘊二家後人奉為
程式蓋臣為上治祖彌苟治昆
弟下治子孫之要道矣願其間
派今有遠近流傳有信疑纂修



家正不能無辨惟我姍舊世好
中如黎後之譜之修於今也
殆其善哉考其得姓自高陽北
正黎封黎陽後遂以國為氏降
至周黎侯國祚雖非氏族深大
其系始侯公而不紀名者即春

秋之紀郭公闕疑筆也自此繩
繩繼之代以人傳有不盡以事
蹟傳者亦闕疑意也其確有可
徵而紀載獨詳者則自鄱陽遷
懷以來條分縷析具有明文大
率疑以傳疑而信以傳信非尚

為而已斯役也中岑崔城兩
君手定之其族月驛孔力宗美
天懷龍玉崇舉綸美鳳山諸君
共襄之其紀叙規訓傳贊等文
則屬余搦管焉余勞人也未及
造其譜局觀其治事之宜至其

書成出以示余則見其窮流溯
源綦詳且慎其灑蕪脩歐蘊其
例較嚴史氏則信乎存疑徵信
仁至義盡之完書也至於歷世
德行文章功名事業及一切敦
品植節之美則終見于傳記中


盛矣哉德白垂緒坐族流芬前
人至光抑後世之榮哉因歎往
者 研北 渭北兩先生並 佐廷
先生久欲修輯家乘而卒以修
歲遠遊不果壬辰春余赴試禮
闈過廣陵晤 佐廷先生興言及



此猶慮愈久之今賴賢後人偕
同族成其志既以完不朽之業
即以微不匱之思也是為序

尚

大清乾隆四十一年歲次丙申季秋
月上浣之吉年家姻世教弟段

堂頓首拜撰





Faint bleed-through text from the reverse side of the page, including the characters '大清乾隆四十年' (Great Qing乾隆 40th year) and '堂前首拜' (Hall front first bow).

重修族譜序

其身無後於其類亦猶

夫譜之謂者凡茲族屬譜其世次無使有所
遺無使有所紊者也溯我族得姓之由出於
周武王十三年己卯仲祖伊公去國爲家受
封之始厥後屢朝仕宦歷代勲名前八十世
甚悉且詳以及鄱陽分脉我岳舉公宦遊
携弟萬華公肇基皖城自我伯叔高祖
研北二公始創於前月驛公及我

伯祖鶴城中岑諸公復纂修於後原也本也
稽之詳而錄之晰無煩仁贅叙焉第世久而
漸湮情以離而相隔矧族丁繼繁分居於懷
桐濤宿各邑雖珍藏舊卷聊識某房某股同
出一原而聚族無由代傳日益聰俊之子知
而不言愚魯之裔習焉不覺支考派別勢必
一脈而等諸路人宗親視若秦越甚至伯叔
昆弟生歿遷葬俱無考核其弊在譜之不能

繼修也蓋譜一世一修之例而我族譜自

乾隆丙申越今七十年矣增修所宜急也

去歲夏仁至祠請出

海曙

世熾

式模

德周諸尊等倡議重修定館於龍灣信邀合
族莫不欣然各自解囊踴躍樂捐赴館圖成
各立房長任其事焉夫前人作之後人述之
亦由是率舊章照歐蘇並式前系後紀系提
五世紀註支分使後世子孫明于五代之親

難忘五服之義世次犁然開卷得尋脉絡而
某房遷於何地某服實有何人居址雖違如
同食息然則族屬之欲無遺支派而無紊者
端在乎修譜之克勤也由此而後願我族賢
子孫嘗思譜之克勤時體祖宗之一脉始知
千百人之身皆出于 祖宗一人之身而骨
月之至親疾痛之至切相親相愛之念自有
不期然而然者矣貴也而自恤其賤富也而

憫其貧賢也而自恕其愚尊也而不忍凌其
卑弱強也不忍欺其幼孤上之慈下下之敬
上孝弟之風油然而生不待家喻而戶曉也
不待耳提而面命也各尊其所尊親其所親
子孫相保守於無窮之世是誠有賴於是譜
也仁拙無識迫因年湮免力所成庶幾告無
罪于先人願後賢子孫繼志述事一世而加
修再世而重修世七子孫相承勿替固吾之

厚望也爰綴數語於簡端以序之

罪皆於人願免其罪



皇清道光二十六年歲次丙午孟夏月

子孫昧於守先十五世孫宗仁薰沐謹識

不谷耳贊而面命也咨其祀



士等後文風由然而主不捨案會而只期也

卑祿並出不忍其其也庶士之慈不不之婚

斷其資寶出而自慈其愚尊出而不忍其

重修譜序

蓋聞莫爲之前雖美弗彰莫爲之後雖盛
弗傳斯二者固相需而並重者也爰我黎
氏粵自 祖伊受姓肇封以來始於成周
稱侯稱公世襲其爵迨秦漢而後去國而
家遞傳八十世名著前代統裕後昆備載
史策無煩畢舉至我祖 岳舉公宦遊歸
里謀弟 萬華公爲長我子孫計由鄙挈

屬徙皖卜居城內天台里焉厥後子姓蕃
衍分遷懷桐潛宿不一惟有譜以繫之雖
地隔雲山覺情聯一脉是時明譜學講譜
法者不乏其人一則宦情終滯一則事故
久纏惟 研北渭北二公撰譜心誠確切
諭徵因流溯源創成譜帙擬付梓鐫卒以
身客邗江遂輟及 乾隆丙申復願
月華公 中岑公 鶴城公體其遺意補

闕存疑旁參曲議上溯姓原之始下逮繼
世之宗明昭穆以尙祖也序所生以尙嫡
也別長幼以尙齒也列傳贊以尙德也盡
美矣譜斯成矣迄今七十餘年寢昌寢熾
族愈滋大居更星稀若不及時續修生出
死歸遺忘過半分淆禮紊抱憾匪輕甚至
族衆聚會視若途人卽有富貴榮施誼不
相屬譜急續修故奚微哉曙今生逢其時

力雖維艱義難推委幸族侄宗仁篤仁孝
之思德周世熾式模諸兄弟懷收
族之念去歲夏初會通族衆到祠酌議立
出房長首事議設重修譜局於龍灣繕稿
校閱司其事捐金歛費襄其猷遵前人之
條例倣歐蕪之圖範橫綱直紀序次犁然
展卷一視瞭如指掌俾一本九族之中各
親其親各長其長睽若萃分若合遠若近

也議經一載功甫告成非謂踵事增華競
傳其盛合求可告無罪於先人已耳推斯
意也願將來賢子孫善繼其志善述其事
或一世一修或再世重修庶乎億萬斯年
咸知綱常倫紀道德文章事業功名胥於
譜牒以維之也曙等能無厚望也哉

肯

皇清道光二十六年歲次丙午孟夏月 穀旦

皇清道光六年十四世裔孫海曙謹識



... 齋 以 謙 文 世 顯 著 諸 無 異 聖 德 昭 昭 ...
... 風 吟 際 常 倫 謙 謙 交 章 專 業 德 洽 濟 世 ...
... 姓 揚 世 美 難 越 再 世 靈 奇 烈 乎 為 萬 世 準 ...
... 意 明 顯 殊 來 賀 而 終 善 餘 其 德 善 矣 其 華 ...
... 聲 其 益 合 來 而 昔 無 異 矣 夫 人 曰 狂 狷 其 ...
... 幽 巖 豈 不 輝 也 甫 吉 以 壯 體 觀 專 能 華 競 ...

問樵親家先生序

從來卓犖不羣之士必有奇偉超拔之才故
不必坐廟堂見用於當代卽窮居而閒處利
澤施於人名聲昭於時懿行駿烈足以光前
勲傳後世者誰則能之惟我親家問樵先
生乎先生名宗仁又名燮號問樵成均特
出人也弟大家叔諱福昇先生姑父三家
叔諱魯園先生嚴君同學密友故得其

雙清堂

世代甚悉 弟束髮時侍立家父叔之側常聆

道 先生世代簪纓載郡邑誌行世流芳

聃齡公 先生之王父也 弟生也晚未獲親

炙耿光家父時云 公品則璞玉渾金心則

抱雪懷冰且生平梗介正直論事和平待人

里中是非莫不遵其論斷人咸以鄉大夫目

之 先生不嚴君諱錦堂公 弟親翁也 魯

園叔常贊揚之 翁幼而穎異非常讀書過

目成誦不以掇取科名爲念嘗曰人以敦本
爲急耳功名何急乎侍奉先生
王父至
情至孝生養死葬莫不盡哀盡禮孝事

先生繼王母白孺人晨昏定省朝夕無違
顏出入必稟命睦宗族和鄉鄰輕財仗義鄉
黨稱其厚德至仁惜乎早逝未展鵬程斯時
也先生之家蓋中落焉先生之年蓋成
童焉先生之昆季蓋俱髫齡焉寒素家風

蕭然四壁先生遂棄舉子業經營家政
王母年高慈母多病先生以孝慰之子
職堪云不匱兄道更謂可歆代弟寬厚教兩
弟悉成功名弟奉先生如師凡有務必稟
命而行乃兄乃弟真有荆樹之風嗟乎石
樵親家早逝有侄三人命耕命讀從未聞厚
薄之分先生智足知人量能容物檢身則
必誠必信持家則克儉克勤迨至丕基式廓

門第重新重義而疎利克己而寬人凡隣里
鄉黨中勢孤者藉以庇力弱者賴以扶遠遊
者助以資斧老者貧者予之贍給甚至曲直
不明是非莫剖而早先生片言折服使忿者
消訟者平解囊不惜凡有益於人無不毅然
爲之今者續修華乘平先生首先倡議會同
海曙式模諸君子共襄厥事且樂
捐多金亦卽可以見其慷慨之一端况復總

理譜政以族事爲己任其所挾持者何大也
吾因之有感焉爲 鶴城老先生前纂修難
爲 先生後者甫期年而卽竣事亦更難矣
丈夫子三長曰俊次曰僑三曰儀兼侄輩多
人皆習舉業英姿卓犖俱有厚望焉孫等侄
孫繞膝年雖幼而姿格非常螽斯麟趾未艾
方來不益見 先生之貽謀善而遺澤遠哉
弟幸托絲羅謹所見所聞而爲之序 八

皆

皇清道光二十六年歲次丙午孟夏月之吉

僅先補用衛守備眷姻教弟王延齡頓首

拜撰

皇朝歲次二十六辛未太丙午五月戊戌

勤次赫風謝守勤各賦詩余亦賦微躬首

入興疑業或委卓華似有

才大手長國後次自備

為

因之有

其

昔



黎公姑父稼夫先生傳

公姓黎氏諱金玉號稼夫懷桐望族也其

先鄭門公超顏公工書畫善詩歌拾襲家

以爲希世之寶焉祖漢武公祖妣樊

太孺人德高里門壽堅金石向平之願旣

終桑榆多暇畢萬之後必大瓜瓞斯綿考

麟書公誼重三旌人推四古揆事旣多仁

術教子更有義方畧遜劉家之七業有過

王氏之五才公其少居也夙承矩訓丕振
先聲穆衍克敦務求倫類之實純修是踐
出以性情之真故祇父恭兄承顏候色者
無所不用其極不啻如出自口孝乎惟孝
人不間其言知之爲知吾必謂之學其承
前有如此者從來大不可踰而小德或堪
出入本之旣厚而末節在所不矜故已衣
錦尙褻何妨羔袖狐裘公則樹蕙數畝

而立德務滋采菽中原而爲善不足加以
強而不息百甓之功無分做莫改爲一裘
之年可數其樞躬有如此者然而崔駟掃
軌顏闔鑿坏方滅跡麤麤之徑願神蘿薜
之鄉或難賫刺走尋改書結納矣而公
篤心綢直濟物恢台崔悛警欬滿座傾風
韓嬰分明巨儒越席不信其盟但得季路
以要我若治其故卒使郤至勿敢爭其接

物有如此者若夫蘭徵夢裡星入懷中栽
桂林之一枝悵絲蘿之再附未免珍因罕
見溺由愛生而乃對案情深趨庭訓切讓
路讓畔勵以終身近墨近朱防於早歲育
成千里之駒無慚驥子自是不凡之鳥殊
有鳳毛其裕後有如此者獨是德非圖報
駿厲之心也而篤必因材難憑之數也卽
謂福有由受未必壽以爲酬鬣翠之鬚眉

無慚于俯仰綿繇之歲月儼紹乎箕裘况
乎德星社裏相輝傳六老之圖載酒堂前
來訪印長公之履老看罄合恰與福以爲
兄醉遣孫扶宜呼歡而作伯芒鞋可躡直
踏雲梯筇杖不支能爭樵步固已與造物
遊合神明撰矣其德天有如此者及乎陰
堂夢覺海上龕成效東桑晝鶴于地反金
仙回鹿之山享年七十有八嗚呼公真健

者應邦家之氣運而興後有達人鍾山岳

之靈奇而降公初配金孺人麟之姑母

也惜乎早逝繼配朱孺人壽逾八旬每逢

麟至請安侍立諄七懇七至切至親今修

華乘敢不恭呈俚語以傳其大畧云

來未明是公愚內侄金祥麟頓首拜撰

平無是嶺墓此數身六等之圖碑堂新

燕無于此收錄編志慈氏謝詠平其妻於

孔佳公暨德配余太君合傳

從來男正位乎外女正位乎內是必內外
交修而後人道全也若我族 曾祖孔佳

公 曾祖妣余太君非內外無忝者乎仁

生也晚不及覩 公之耿光 太君之懿

範嘗聞 先王父述先君之言誌之 公

賦性穎異讀書頗擅時譽雖舉業未成

公生平正直待人忠厚持已事上以孝御

下以寬
公於昆弟行居其六奉
諸兄

如師至若析爨授業無多毫不與較
公

卓然有以自立稞耕稞讀興家啓業日夜
克儉克勤尤得有內助之賢
太君系出

名門于歸我
公事
翁姑則孝禮夫子

如賓和妯娌惟讓勤儉持家鷄鳴警旦鹿
車同挽荆布自甘日夕操作儼然梁孟也

公然諾不苟
太君以誠信佐之
公質

直不回太君以柔順佐之公義俠不

屈太君以溫恭佐之公喜周貧濟急賻

喪助婚太君不惜解佩以佐之篤生曾

叔祖等恰燕山之數風公庭訓最嚴教子

義方太君不憚况庠劬勞和熊畫荻以

佐之以故先緒克張也鴻圖克振也阡陌

克廣也輪奐克輝也倉廩克盈也公置

良田數頃庄房數所週圍紫竹園林公

年近花甲叔祖等善成
公志遂謝家政
與太君幽閒原野或往梅溪老屋瀟洒
或往老林鋪庄陶情或至書館稞讀或往
新庄稞耕或在鄉黨排難解忿或修息紫
竹園含飴弄孫或臨風把酒喜嘉禾而慶
豐登夫婦偕老齊眉儼然龐隱雙棲孫曾
疊匕不讓子儀之盛鬢髮蕭匕恰似磻溪
老翁鳩杖從容含飴點額好似紫竹林中

之仙俱壽考終 公享年八十有四 太

君年近八旬凡此莫非自正以正家者所
由得天之正也豈偶然哉今續修譜牒

公之孫 世美 世祿 世熾 叔等各私

自捐金勞神竭力偕族人而董其成惟世
熾叔聰明天授特達性成功名之志未遂
例授成均督修譜法更勞其神繕稿校對
晝夜辛勤孫曾數十姿格尤貞蘭桂繞砌

芽茁森匕使非公妣之德奚有此紫芝

玉蘭之秀耶是則公妣之為人不可謂

之全人乎公妣之素行不可謂之不朽

者乎仁愚無知不能杼文詞以揚公妣

懿美終僅得昔聞於先人之傳也耶

族侄曾孫宗仁頓首百拜撰

孫平並入會武此莫裝自丑

之吟斯壽壽孫合公享樂八十有四年



東曉叔祖大人傳

不以縣大夫

傳

蓋聞生人不朽者有三太上貴德其次立功
其次立言此固處世之大端也若生無益於
人死無損于數礫匕營匕直與草木同腐耳
豈非爲全修者之所恥豎立者之所羞也哉
惟吾叔祖鑒修公諱明東曉其別號也族孫
宗仁束髮時侍立先父之側常聆道公之爲
人沉靜莊蒞簡默剛方寡言笑重才能公自

幼時已有然也兼天姿明敏讀書則過目成
誦學識高超揮毫則倚馬可待人莫不謂公
可爲大振家聲重光門第者無如屢試未遇
鍾期不至伯牙遂終身不鼓琴于是棄舉業
而就成均舍青衿而入太學其慷慨激烈之
志氣真有出于尋常萬萬者至於慈祥接物
忠厚待人見窮苦輒駮困指與遇爭忍遂排
解直言閭里族黨莫不以鄉大夫鄉先生目

之此非公當年之志行生平之大概仁所昔

聞於先父之傳也耶且公之事業仁亦非

終未得而見之終僅得而聞之也公居桐邑

練鎮仁弱冠時始至其境而見公賭髮眉之

古處卓爾不羣瞻矍鑠之老翁肅然起敬公

宅離秋月亭不數里練潭秋月爲桐邑盛景

公每燕閒之暇邀賓朋而遊玩效庾亮之登

樓卽時景以抒情傲舞雩之歸詠此其高人

之致逸士之風或談風玩月或酌酒賦詩或
終夜忘歸或敘情達旦公之東曉別號因以
振焉然而公之過人不在乎此道光三年水
災爲患貧富嗷也多有不暇自計公則視人
之饑爲己饑視人之溺爲己溺進言縷稟倡
請邑侯廖公臨門撫恤人咸得安又復請
詳知上憲奏聞朝廷爲平糴爲賑濟種
也善舉莫非始之自公至今數百里外猶稱

道之不衰斯非公之立德惠人者深立功及
人者大立言益人者之匪淺哉噫
公雖在

矣 公有三叔長次二叔惜乎早逝遺孫曾

纍七惟三叔諱海曙聰穎非常讀書過目成

誦屢試高超莫遂其志是以例授功名善承

先志倡修家乘解囊樂捐以全仁孝之思孫

曾嶙峴芽茁發祥振振繩七永而流長公

之遺澤可謂不朽者乎公之素行仁所見

見聞聞者悉為公述也乎

曾勳剛裝苗翁族姪孫宗仁頓首拜撰

漢志節節參乘職樂用且全以奉之思終

歸憂結高賦莫遂其志我以何對也各善承

樂子卦三妹韓新翻離賦非常節書敬日夙

矣公育三妹是尤二妹都平早放豈紙會

人若大立言益人皆之羽對姑獻公難至

庶之不寔祺非公之立辭惠人皆對立也又

黎氏宗譜原序

大前曾國英

氏

今夫事有謀之幾世幾人而未能成者而忽
觀成於一日此卽尋常創建皆可深幸况譜
牒所關尤敦本睦族之大者哉嘗聞
夫子曰伊川先生謂人欲知本須明譜系蓋
由一本衍爲族屬以至子孫勿替引之惟於
譜觀其合亦觀其分此道明而後親親之誼
可因以共篤我黎氏自鄙徙皖以來世以十

計歷年三百有餘譜之修明缺有間矣先世
族屬未蕃能事此者又或以宦遊不暇迄於
今匪異人在我固日夜志此不忘迨欲蒐輯
而修訂之因常與鄭山三先生共論譜法
折衷前代名儒而於先人統系後人分支考
核至明且審遂相與繕稿成帙擬付攻木氏
卒以久客邦溝未成斯舉東湖九兄繼起
復於所繕帙中補其未備嘗屬其族人而謀

之欲爲捐修亦終羈于邗而不果嗟呼

研

北鄭山兩先生皆宿學爲當世知名士

東湖九兄亦練達才乃於譜事之成俱有志

未逮豈盛舉之信難成與抑成盛舉之自有

其時與今本東湖卽世已三年矣中岑鶴城

兩世講慨然念譜不可以久缺決意成先人

志以安先人爰糾同族採輯益廣重以審慎

修明無失墨稿遺意計書若干卷需費若干

縉鶴城偕月驂孔力龍玉天懷宗美崇舉綸
美鳳山輦司其局任事者不辭其瘁輸用者
無缺於供未幾而功欲竣中岑致書問序於
余余重其奉先思孝之情至不能已於此焉
見之也本由此以敦族由此以睦總以致親
親之誼共篤于無窮舉兩世前人謀之而未
有成者忽于一日覩其成前人幸甚後人尤
幸甚洵非僅尋嘗創始之事可等例觀故樂

爲敘之如此至于詩禮傳家之澤簪纓累世
之華可以光前而裕後以及其厘訂宗支標
舉行誼載筆之詳慎則一展卷而知賞識者
也余何言余何言

大清乾隆四十一年歲次丙申季秋月 穀旦
誥授光祿大夫

欽賜布政使司布政使前內務府奉

宸苑卿按察使司副使道加頂帶一級又加十

六級紀錄七次年家眷世弟江春拜撰

煇殿亦虹對同亦虹對前內卷款



請對次類大夫

大節諱劉四十一平慈父丙申季慈氏

由余何言余何言

舉行前律筆之精對限一與卷而映愛端香

之華何以光前而器對以又其重情宗文對

蘇然之收此至于請甄對宗文對聲對系也

原譜序

苦聞家譜之修與國史同同乎載筆謹嚴之意也或者謂其間有不盡同者國史美惡並載道兼勸懲家譜則祇道揚休美爲後世勸而不之規訓列有明條卽勸懲所以並用其紀事傳徽非是有所不載者特以是明親親之仁而其所傳毋敢過爲溢美究未嘗不寓筆法焉又况圖紀中本宗不得外人非族不

得內蒙疑者毋飾其辭信者毋畧其實其謹
嚴之筆尤無殊國史乎我中表
黎東湖兄
之有志修譜也蓋綦切矣嘗爲余言其先人
久有志焉而未之逮世漸加則人益繁勢益
渙欲使渙者萃之安得不修茲家乘於是屢
偕族議幾欲行之而以多才之故爲維揚司
蹉務者迫之徃七輒不得以歸以此譜議終
不果行今中岑鶴城兩表姪起而言曰維父

有志而不克踵行何以慰吾父於地下乃集
同宗於月驕孔力宗美綸美崇舉龍玉鳳山
輩皆志切修譜者相與決計行事若者就館
局若者歛貲物先釐卷帙次及梨束鶴城示
全稿於余乞爲序余展閱旣畢見其規訓明
切昭勸懲也懿行揚休非溢美也支分派別
之中於本宗非族辨之極嚴徵信存疑傳之
維謹殆所云等修譜于修史者其載筆之意

可觀也由是思自仁率親等而上之至於祖
自義率祖順而下之至于禰卽以此道推之
子孫千億莫非仁至義盡之爲皆於譜焉見
之異日者覽昭穆之辨而分誼明原一本之
情而恩意篤且思青緇之澤閔閔之遺以共
勉爲哲嗣無墜厥緒將前光允迪寢熾寢昌
方來者正未有艾譜之功固不小矣然則修
譜者之力豈微也哉吾故嘆黎氏諸君子殫

承先之志肇啟後之謀以三百餘年未成之
舉一朝手定其書此其祖宗之靈爽所憑依
而後世於以食崇本之報者也爰重鶴城之
請振筆而樂爲之序

賜進士出身

勅授承德郎候補主事前歷任直隸藁城山東
沂水廣東增城知縣壬申山東同考試官庚
辰廣東同考試官加二級紀錄三次楊自芬

昇撰

魏氏宗譜



魏氏宗譜

魏氏宗譜

魏氏宗譜

魏氏宗譜

魏氏宗譜

魏氏宗譜

黎氏宗譜原序

水源木本之思人情之所至不容已也而譜
系攸屬正尋源本以篤其不容已之情夫本
深者末茂源遠者流長爲人子孫不能由分
以推其合更由合以按其分則親疏不明異
同莫辨容有溷淆於非族而一體之漸分漸
渙轉有覲面而不相知賀召而不相及者譜
之不修豈宗族之小故哉黎固望族也自周

黎侯而降以國爲氏遞傳以迄明初不下八
十餘世中間名宦文人代有作者顧世遠年
湮紀載甚畧僅傳一綫於數千百年之遙姑
弗深考所可詳者明初由豫章遷宿由懷遷
桐及潯傳之至今分合之迹最悉然而舊譜
殘失墨稿徒存人數殷繁久將失紀篤念本
原者此情實烏容已乙未春有事先壠之日
中岑姻長昆季與其族 月驍輩相聚而謀

曰譜牒未修何以飭倫紀而篤恩誼恐益先
人痛滋後人羞也爰清釐始末載筆惟謹筮
吉未冬開雕不經年而功竣嗟乎此其能篤
不容已之情者乎且自篤其情者人亦共洽
其情世系昭然無凌越也圖紀秩然無缺畧
也疑者闕而信者傳事實不相假易名可辨
而分可定體例自著精嚴也以至大雅流傳
人共詞章彪炳懿行顯爍名偕文字芬芳此

傳贊所表揚言以質而彌華人情亦動於不
自已矣余忝姻誼欣然睹清原正本之書慨
然想孝子仁人之意而並藉戚好家乘之光
竊亦與有光焉者則信乎家乘之修匪細故
也因不揣固陋而爲之序

乾隆丙申季秋之吉

戊子科舉人年家眷姻教弟楊芬頓首拜撰

日齋未刻

本譜原譜序

與族人新譜文

卷一

雙清堂

吾黎氏之家於皖也蓋四百年矣前此代遠
年湮播遷者屢則舊譜無存或存焉弗備猶
有說以解之至於世雖已歷兩朝遷徙未越
他郡幸少流離之失並無譜牒之觀勢將人
與世遠湮沒無傳且有問祖宗之名子孫茫
無以應者其果何以自解乎自我人岳舉公
遷自鄱陽是爲遷皖始祖相傳有源淵譜圖

僅世傳一人或間傳數人生娶卒葬俱無所
考遠派難詳固然無足怪顧爲皖人以後非
不乏有文士中間更有列名宦者於譜事則
未遑及至我族兄研北鄭山兩公有手錄墨
譜類多失考正以譜久未修故族侄東湖亦
嘗與余議及此而終不果行遲之至今此事
不誠函匕哉愧余茫未有知第竊余事關原
本誼無可諉每與族人謀盤餐之未奔走之

勞所不敢惜自去冬議定譜局姪孔力宗美
及族侄孫鶴城綸美崇舉恒茂等俱踴躍從
事余又何退讓爲計經費不下數百金除計
丁歛費外按畝量力頗待捐輸族中好義急
公樂解鈔者不乏其人余亦稍竭綿力附從
其後於是寢以觀成至世系清昭穆辨以及
規條燦列傳記昭垂染翰濡墨之事則惟鶴
城與有識者商定焉余復何能置喙哉是役

也始於未冬暫息於申之春夏以族之人耕
讀並重恐防於士之及鋒農之力作必再閱
歲晚務閒時而功乃竣余惟是矢勤矢慎庶
幾共成之舉無所容私於其間以期此心稍
可對我先人已耳若云數百年未訂之譜而
一旦起而訂之吾實與有功焉則吾豈敢指

又越對冠麟姓餘美崇十一世之驍敬撰

後以不煩部自去冬麟武齋以致序式崇美

原譜序

家之有譜所以明有親也莫世系明昭穆合
上治下治旁治雖不能不別以親疎而由一
本推之則皆親也統於譜聯之則親也人
不能以無親即安可不修明譜系以親吾之
親我黎氏自侯公以下八十世歷兵燹播遷
僅存舊牒一綫相傳他不具載固無暇遠稽
矣顧自明初岳舉公由鄱陽遷皖以來四

原譜序
卷一
三

百年未修家乘率由家世寒儉前則人丁寥

落後則星散而居卽我不高高祖民富公

叔高七祖民貴公仕路蜚聲然皆馳驅奏績


不及辦此且清宦無餘繼世仍多旅食惟我

大伯祖及我祖極欲於此從事乃論定譜

法搜考宗支手錄墨稿一通究以此久客維

揚不果付梓我父更念此至急數與族人

謀亦終久役於外遷延以至於今恒愚拙人



也學問才情萬匕不及我祖我父亦安

敢妄言修輯舉前人未成之譜謂能自我成

之第念恒食先人遺澤稍有餘閒則此餘閒

卽先人之餘閒正可以補從前所未逮若先

人欲爲而不暇我乃有暇而不爲其何以對

我先人耶因不自揣從諸尊長後議設譜局

計功幾何計費幾何謬蒙共委督總乃取墨

稿而增之斷自岳舉公爲遷皖之始則從

此一世至十數世收族綴屬固有棄遺別嫌
明微無敢假借居鄙以前畧者過半居皖以
後詳者過半誠難漫詡爲完書特不敢意爲
去取不敢妄爲附會惟此區七慎重之意或
可告無罪於先人焉爾倘使於無可稽考中
務爲塗飾美備之觀以耀人耳目縱人實可
欺亦難欺我先祖矣九原有知能無隱恫乎
自茲鋟版告成後之覽者有見於親親之意

其勉爲孝子仁人將體家教所由傳振家聲
於勿替或更能博訪遐搜有以補茲編之所
未備焉是則所跂予望之者矣

乾隆丙申年仲冬之吉

十三世孫恒齡敬撰



十三世孫

諱劉丙申

未嘗諱扶

故於齊

其後為

一 凡例

一 譜式兼仿歐蘇並參酌於名族譜牒書曰

一 毋作聰明亂舊章家乘綦重尤當凜此意

行之

一 家訓以示勸家規以示懲古名族所以炳

一 著家風可以善後人並可以移世風者此


治國先齊家之道也

一 家譜猶之國史但有不同者國史并錄功

一 罪家譜專表懿行蓋爲親者諱篤宗盟明
恩誼之道寓焉

一 冠婚喪祭族中之秀士時切講明至農工
商賈或未盡知故給各圖於譜首俾閱者
易知吉禮凶禮之詳焉

一 祖墓最重公墳私墳皆載地名卽年湮代
遠子姓他徙亦可稽考
一 子姓定分正名派分昭穆從前老譜字派



原無淆混今自十五世以後仍各歸新立
字派毋得妄爲更張以亂世次並毋犯尊
者之諱

一祖考遠而難稽者從畧則斷自一世從豫
章遷皖以下各房於分支後序歸各房置
世系於世紀之前首書某公支下世系系
盡卽繼以紀編次自見井然
一宗法所以明宗支分嫡庶大宗百世不遷

一 小宗有四繼稱之宗則同父兄弟宗之繼
祖之宗則從兄弟宗之繼曾祖之宗則再
從兄弟宗之繼高祖之宗則三從兄弟宗
之至五世則親盡而服斬不復宗矣蓋小
宗五世則遷者也大宗子孫年雖少當紹
正派而居前小宗子孫年雖長亦列於後
嫡子年雖少必紹父正宗而居前庶子年
雖長亦列於後此宗支嫡庶三分截然不

一可紊也世系內長房子孫世世居前二房
三房以次列後此宗圖卽宗法也

一紀錄橫書某公之子於上額下則直書某
諱某字某號某銜元配某再聘某繼取某
副室某子幾女幾聘某取某許某適某生
庚卒葬并志之

一名字有犯 國諱及尊長諱並或雷同亂
派者存者更之亡者以音同字不同者易

之若已成名已故列碑者俱不改換

一男子生未三月而卒不成殤也七歲以下

爲無服之殤八歲至十一歲爲下殤十二

至十五爲中殤十六至十九爲上殤未成

殤及無服殤皆不書以其未成人也下中

殤皆於父紀內書曰某子殤不另紀以其

未娶未有字也上殤則爲另紀

一凡無後者不書絕而書止蓋惜其不幸不

一忍直書也

一無子立本支本族昭穆相應之子爲嗣圖

一紀內於所生父下書曰某子承某兄翁嗣

於所後父下書曰立某人子爲嗣其曰歸

一嗣者本身承嗣伯叔父母絕胤復以子歸

續正傳也曰過繼者入別房也曰出繼者

入外姓也有違禮立外姓與立本宗而昭

穆不順者絀不書

一抱養之子暗昧無所歸者書曰養子做名
一家例入譜其有所歸之異姓養子不得載
入五世世曰庶孫者大抵是也曰庶孫者

一遷居他省他邑未能即復者於圖紀內書

明俾代遠不致迷失其人于家圖其曰

一妻以嫡體初稱配再稱續妾則例稱副室

一側室正嫡庶之分也庶孫數公于家圖

一世紀內有再聘繼娶兩樣再聘者未出閣

之女繼娶則從權者前妻子則先書之後
妻子則後書之妾之子亦如是

一元配繼娶身後無子亦書若妾有子則書

無子則削或妾有功於其夫亦可書

一婦雖已聘未廟見者不書未成婦也女或

已受聘未字而卒者雖已笄不書未爲人

婦也其或未婚守制義在必書不得以常

例拘之

一夫死再醮及有故被出之婦有子在則諱

之爲其子地也

一女子不幸而再醮只書前婿之名前婿無

子方書後婿皆無子則只書前婿此不可

爲訓者諱之

一葬事夫婦共壙曰合葬兄弟妯娌曰同壙

子孫依祖考妣婦依姑曰附葬遠遷復痊

祖山曰歸葬葬於遠地曰寓葬女適人無

後瘞父母山嫁母歸葬曰返葬

一男子無論仕隱女子無論妻妾凡有德行
文學節義闡範者例得立傳贊以表揚之

一男子爲隸卒爲義男爲僧道俱削不書

一譜牒編列字號首套存公以爲譜祖其餘
字號註明某字號係某房某人收執爲防
遺失及同姓不同宗者竊取混冒也

一夫死再葬及有故被出之...

一嚴夫女同姓不同宗者...

一字張五則某字謝絲某...


一黠黠黠以字號首楚楚...

一長子為難卒為難異為...

一文學唯美聞者國野立...

一異子無備去烈文子無...

一終極父母自歎世觀盡日...



家訓家規引


家乘必載規訓所以肅家教也蓋父兄之教
不先則子弟之率不謹矧譜之爲子孫計者
甚長繼七繩七世守於是乎在尤當分條指
示永垂後嗣法戒焉夫法必承夫家訓善則
宜從戒必凜夫家規惡則宜去固非有深文
粵義爲人所難知難行者卽邇言淺事親坊
指陳在明哲雖所素知亦可觸目加警在愚

魯本無深識更堪提耳驚心人孰不願爲賢
子賢孫爲祖父光耀又明明列有條目以示
如此誠賢如彼不肖可毋世世祇承勉茲家
教乎古稱顏氏家訓柳氏家法傳諸奕世而
可遵者約之成教於家廣之即可成教於國
亦在後人能體善後之意兢兢共守之耳爰
列訓規各十條於左

家訓

忠君上

通率土之義人盡臣也則莫不宜忠故當身
被爵祿之榮臣之身家皆君養之豈臣之身
心反不爲君用之是不特聊且供職已也要
必殫力竭心期無愧於天地祖宗而後無愧
於我君焉至於庶人不膺半職宜若無自効
忠矣而不知循理安分恪守王章奉上急公



不抗國課是卽草野之所以爲忠凡我族人
無論有位無位務各小心而守小臣之義絕
無罔上行私於忠之一字庶克副之

心孝父母

人常自思身從何處來不孝之念自不知何
以潛消每恨天良喪盡之人全不想生我之
恩育子之憫竟或視若路人且路人猶不敢
輕相忤慢而於父母反易忤逆失常者真禽

獸也我族人當鑒不孝之罪深體父母之心
縱不能盡尊顯其親必時念及生育我者何
如顧復我者何如教誨我防閑我者又何如
愛子之心真無所不至而忍不敬之愛之委
曲而將順之其何以爲子何以爲人乎孔子
曰順乎親有道凡以云孝也至於慎終追遠
無非矢此意不忘焉

友兄弟

同胞之誼如手足謂其同氣分形本爲一體
不可異視也人能宜於兄弟則父母之心亦
由此順友愛之義不甚大哉昔司馬溫公奉
伯兄如嚴父崔孝芬兄弟友義尺帛一錢不
入私房諸婦化之亦相親睦人能法此天倫
有不和協者乎有兄弟者慎毋厚於妻子
薄於兄弟且世俗之人甚至私暱朋友而與
我同父母者反待之如隔膜胡不思凡今之

人不同父之義相親相愛式好無尤不惟
允協至情抑且可禦外侮一室之中蒸然太
和矣
本敬長上本直同歸若二本皆始陳劉之意
同父有兄固長於我者也推之宗族有長輩
受業有先生以及親友中之分尊齒尊鄉隣
中之年高有德有位者皆謂之長上凡遇此
等人必當因其分之親疏以分禮之隆殺而

總無乎不敬稱謂之間既不容混一切行止
坐次揖讓周旋禮貌俱不可失

睦宗族

宗族支分雖有遠近而由祖宗視之總屬一

本未有一本而可視若二本者故親睦之意

必視外人加篤焉喜相慶憂相恤有無相周

濟強弱相扶持歲時伏臘相往來凡所以敦

一本之誼如是則子孫之氣無間彼此以常

通卽祖宗之靈不假馨香而自妥倘自相魚
肉其何以對祖宗於地下

親鄰里

鄰里之人出入相見者也雖異姓亦有同情
卽分處依然聚族於此而不相親近不相周
恤必非人情我族居雖星散無不各有隣里
務宜盡洽比之誼敦親睦之風鄉黨有富貴
者我勿伎之貧賤者我勿欺之緩急相濟有

無相通萬勿因兒童互爭牲畜偶犯遂至共
生嫌隙莫往莫來

信朋友

五倫終舉朋友人未有不賴友以成其德以
濟其事者正非徒居遊有伴侶酒食相往來
之謂也勸善規過合志同方所以益我者甚
大幸勿於苦言疾之於甘言信之以致益友
日少損友日多且貧賤之交富貴不忘患難

之友安樂不棄約信之言至久勿變是則可
謂朋友有信矣若使雲翻雨覆隙末凶終幾
何不爲市井之交哉

肅閨門

王化起於閨門故謹禮自夫婦始男子居外
之言不入於閨女子居內之言不出於閨所
以別嫌疑也若使內外無別男以親厚忘帷
幕之嫌女以狎暱邀賢惠之譽甚至賭博風

行閨房混雜三姑六婆來往嬉遊以致不美
之聲彰聞於外尙何顏面立人世乎此可痛
恨而切齒者欲清家風先惜廉耻故防閑之
道嚴肅閨中凡婦女燒香看戲遊春俱宜禁
之

勤職業

人無論士農工賈各執一業若游手好閒此
立見消亡之道也韓文公云業精於勤荒於

嬉學問固然凡業莫不如是子弟務習恒業
切不可東蕩西遊至於心術邪人品壞身敗
名裂破產傾家甚且流爲匪類不勤業之害
有不可勝言者人能慮及於此不惜身勞士
可成學成名農工商賈皆可興家立業我族
人其共勉旃

隆祭祀

禮未葬祭柩旣葬祭主祭墓此不忍忘先人

之意非可苟焉已也感春露秋霜其能無動
悽愴怵惕之心憶九原而與痛申一滴之微
忱乎今與族人約節屆清明雖任居窶遠必
約日共登坵壠備物祭掃墓有崩壞者修之
俾祖宗魂魄得所依歸子孫亦藉是以聯情
意至於冬至則祭於家廟亦必有其舉之毋
敢廢焉

東憲西掖至知心濟賑人出熱良銀

數舉問固然以策莫不岐長千策慈賢回業

家規

戒驕奢

凡人驕則必至於奢。未有不由於驕者。其情不能自斂。其狀遂不可勝窮。蓋自恃有財而炫耀於人。勢必侈蕩無度。一切服飾器具飲食日用。必求華美。盡致不量入之數。以爲出之數。則將囊空用乏。猶且掩藏借貸。飾爲豐足之容。究竟支持不久。破敗難收。家財日

見消亡者皆驕奢之所致也我族人可不重

戒哉

戒爭訟

人每侈言健訟不思以父生師教之身屈膝
於有司臺下一聽隸役之訶斥而不敢怒且
無論訟事之輸贏卽此已先輸一地矣况事
無大小動卽爭訟旣非忠厚長者之道且爲
失名蕩費之端語云終身讓路不枉百步終

身讓畔不失一段所讓者小何如所全者大
乎須知庸人不能容人容人不是庸人卽無
端待我以橫逆我必法君子三自反焉

戒淫行

萬惡淫爲首乃壞心術喪陰德之大者人每
心爲色迷遂至胆如天大機謀百設玷人清
白家風不知報應如影隨形污人妻女者報
卽在己妻女良可畏也卽云蕩子宿娼彼人

原非善良我似身嫌喪德好淫總爲不義貪
花且足亡身亦何樂此敗德虧行終以自戕
性命乎戒之戒之吾族人其毋縱欲也

戒賭博

游惰之人不思遠圖不習正業如學賭博者
爲尤甚焉蓋好閑者必好賭徒黨相呼酒食
是務無所事事乃借消閒之名競作無益以
害有益因而蕩家產者有之犯官刑者有之

甚且流爲竊盜者亦有之夫至以賭博始或以竊盜終則聞賭博之名能不以爲可懼而反以爲可樂乎人孰無心其戒之便

戒暴親棺

三月而葬者禮也今之人或停棺數十年至於風飄雨打不以爲異者惑於風水則過於求安反舉暴露親棺大不能安之事而強以安之也不思死者以歸土爲安惟及時營葬

葬後更不得過。形家之言輕易起遷蓋慎
重葬事不必待歲月之久而後爲無憾正恐
歷年因循轉致迫不得已仍不免苟且葬之
則更何以卽安乎願族人各警此意焉可

戒葬祖山

祖宗邱墓之所在子孫命脉之所關也公祖
墳山衆人培之而恐不足一人壞之而卽有
餘若使一人添墓衆人勢必效尤由是風水

破壤子孫命脉傷而性命難保矣特重明大
禁倘族內有盜葬公祖墳山者族長率族衆
立時掘起先以家法處之然後送官再處不
得贍狗姑容其各凜之毋忽

戒濫姻

朱子治家格言有云嫁女擇佳婿毋索重聘
取媳擇淑女勿計厚奩蓋有見於俗情而深
戒之也俗人不知擇婿爲門楣增光或只圖

財禮以女輕許，屬匪之婿，甚至嫁與微賤之家，不特悞女終身，抑且玷辱合族，可不戒哉！至娶婦，不問粧奩厚薄，但亦要清白人家，當思我父祖何人，豈可與微賤人做親家。俗語戲云：買猪不買圈，此言斷不可從也。

戒濫交

人每遠君子而近小人，蓋因君子之交淡如水，小人之交甘如醴也。不知小人之甘口中

有蜜心中有刃他所以殷勤交結者非爲酒
食卽爲財勢引入迷途一時不覺後雖深悔
已不可追我可因一日之交失終身之品壞
終身之事乎初交時宜審之警之

戒縱酒

古人有酒德因有酒政蓋不可過縱而無節
也若縱飲無節成爲好酒之徒勢必飲則醉
匕則亂小則失言亂儀大則行兇打降禍胎

所伏多在酒中且即無犯於人亦必
已重酒成病沉痾難療以上而祖宗下而子
孫繫望之身一旦而命亡於酒人亦何樂而
至此縱酒能勿戒哉

戒溺女

天地本好生世之溺女者偏自生而自殺之
於心太忍即干天地之和在艱於嗣者或欲
溺女以求得男之速不知存此傷生之心即

不能生子之心也在憂貧者或爲貧故溺女
不知貧富有命不溺女者不盡窮溺女者亦
未見因此不窮也何不思吾母亦女也使當
日母被溺何得有吾身身妻亦女也使當日
妻被溺何從望有子若孫乎亦可惺然於女
之不可溺矣

卷之...

不...

妻...

日...

未...

不...

不...



